



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De monacho apostata, qui in bello confessus, & in confeßione contritus,
elegit duo milia annorum esse in purgatorio. cap. 2

urn:nbn:de:hbz:466:1-13177

LIBER SECUNDVS.

terra gramen gignitur, & ex gratia liberoq; arbitrio,
vt dictum est, motus cōtritionis oritur. Herba fructi-
ficat, cūm idem motus liberū arbitriū ad satisfa-
ctionem mouet. Sterilis est terra sine pluuiā, & absque
fructu liberū arbitriū sine gratia; nihil operatur Aug. ser.
pluuiā sine terra, quia sicut authoritas dicit: Qui fecit 15. de
te sine te, nō te iustificat sine te. Vnde Apost. Non ego,
verbis
sed gratia Dei mecum. APOL. Quot sunt species con- Apostoli.
tritionis? CAES. Duæ, interior scilicet & exterior in-
terior est in amaritudine cordis, exterior in afflictione
corporis: de illa per Psalmistā dicitur: Cor contritū & Psal. 50.
humiliatū Deus non despicies: de ista verò Ieremias:
Maledictus homo, qui prohibet gladiū suū à sangu- Iere. 48.
ine, id est à pœna peccati, per quam corpus affligitur.
APOLLONIVS: Iam perpendo, quod máxima sit virtus
contritionis. CAESARIVS: Tanta est eius virtus, vt sine
illa in adultis, qui actuale addidérunt originali, infru-
ctuosus sit baptismus, sterilis confessio, inutilis satis-
factio. Ecce h̄c habes, quod contritio in non bapti-
zatis, baptismus sit primus: in baptizatis, post lapsum,
secundus. Baptismo igitur contritionis baptizatus est Luc. 23. 7
latro in cruce, Maria Magdalena ad pedes Saluatoris.
Quod culpam, quantumlibet magna sit, deleat con-
tritio, subiecto doceberis exemplo.

CAPUT II.

VENIS quidā nobilis conuersus est in quadā da-
mo ordinis nostri, habēbat autē Episcopum quen-
dam cognatum, à quo vnicè amabatur, qui cogni-
ta eius conuersione, ad monasterium venit, & vt redi-
ret ad seculū, verbis quibus poterat suasit, sed persuau-
dere non potuit. Anno probationis expleto, factus est
monachus, & non multo pōst gradatim ascendens in
sacerdotē est ordinatus. Qui suadente diabolo, à quo
primus homo electus est de paradiſo, oblit⁹ voti, obli-
tus sacerdotii, & q; pessimū est, creatoris sui, ordinem
deseruit; & quia ad parentes redire erubuit, prædoni-
bus, quorum multitudo Rutta vocatur, se coniunxit.
Qui ita dat⁹ est in reprobū sensum, vt qui priū bonis
erat melior, postea malis fieret deterior. Accidit ut id

Centri-
tione de-
leri ab
pam.



52 DE CONTRITIONE

obsidione cuiusdam castri, telo percussus & perfoissus;
ad extrema deueniret, deportatus est à sociis in quan-
dam villam, adhibitum quibusdam, qui ei ministrarent;
& cùm nulla spes esset euadendi mortem temporale, hortabantur ad confessionem, ut saltem illius benefi-
cio mortem euaderet æternam; quibus respōdit, quid
mihi prodesse posset confessio, qui tanta & tam innu-
mera feci mala; qui tam enormia commisi scelera? Ad
hæc illi: Maior est Dei misericordia, quam iniquitas

Ezech. 11

tua: vix tādem, importunitate victus illorum, ait: Vo-
cate sacerdotem, qui cùm vocatus adesset, & coram
infirmo federet, pius Dominus, qui potens est auferre
cor lapideum, & dare cor carneum, tantam cordi eius
contulit contritionem, vt sæpe confessionem susci-
peret, & propter lacrymas & singultus totiens in voce
deficeret. Tandem collecto spiritu in huiusmodi ver-
ba prorupit; Domine peccavi super arenam maris,
monachus fui ordinis Cisterciensis, & in ordine sacer-
dos factus, ordinem, peccatis meis exigentibus, des-
rui; & non mihi suffecit quod apostataui, sed & præ-
donibus me coniuxi, quos in crudelitate superauit;
quibus illi tollebant substantiam, ego abstuli vitam;
nemini parcerat oculus meus: si illi quandoque par-
cebant humana duæti miseratione, ego cordis mei
impellente malitia, nemini, quantum in me fuit, par-
cere potui: multorum vxores & filias violauit, incēdiis
plurima vastari. Enumeravit & alia quam plurima,
quodammodo naturam humanam excedentia. Talibus
sacerdos auditis, peccatorum eius enormitate
territus, sicut stultus fuit, ita & stultè respondit: Maior
est, inquit, iniquitas vestra, quam vt veniam mere-
mini: respondit ille; Domine, literatus sum, sæpius
audiui & legi, quia nulla sit cōparatio humanæ malitiæ
ad diuinam bonitatem: ait enim per Prophetam

Ezech. 33.

Ezech. In quacumque hora peccator ingemuerit, sal-
uus erit. Item: Nolo mortem peccatoris, sed vt con-
uertatur & viuat. Rogo vos ergo intuitu diuinæ mis-
ericordiæ, vt aliquam mihi dignemini pœnitentiam
iniungere. Et sacerdos: Nescio, quid tibi iniungere
debeam,

debeam, quia homo perditus es; respōdit monachus:
Domine, ex quo non sum dignus a vobis recipere pœnitentiam, ego mihi ipse pœnitentiam iniungam: eligo enim duo millia annorum esse in purgatorio, ut post illos misericordiam inueniam coram Deo. Positus siquidem fuerat inter duas molas, timorem vide-
licet gehennæ & spem gloriæ. APOLLONIVS: Ut quid tam prolixum terminum elegit? CÆSARIVS: Quia & magnitudinem peccatorum suorum considerauit, & pœnam temporalem respectu æternæ pœnæ quasi momentum reputauit. Dicebat iterum sacerdoti: Ex quo negasti mihi medicinam satisfactionis, peto ut non fraudetis me a viatico sacræ communionis. Respondit ei stolidus sacerdos: Si tibi ausus non fuī iniungere pœnitentiam, quomodo præsumam tibi dare Christi corpus & sanguinem? Et cum ad neutrum acquiesceret, vnicam tandem rogauit petitionem, dicens: Statum meum in scedula scribere volo, & vos deferre eam debetis tali Episcopo cognato meo, ex nomine eum designans, spero quia pro me orabit. Et promisit Sacerdos. Mortuus est monachus, & ad purgatorium deportatus. Et venit sacerdos ad Episcopū, defuncti literas ei deferens, quas cum legisset, amarissimè fleuit, dixitque sacerdoti, nunquam tantum dilexi hominem, dolui de apostasia, doleo de morte, dilexi viuum, diligam mortuum, quia iuuari potest, & contritus obiit, orationibus ecclesiæ meæ non carebit; & conuocans prælatos episcopatus sui, Abbates scilicet, Decanos, Piores & Pastores ecclesiarum, vel quibus commissa fuerat cura animarum, & hoc ipsum demandans monasterijs sanctimonialium, rogās eum multa humilitate & instantia, viua voce præsentes, literis absentes, ut omnes speciales orationes, quas ipse iniunxit, illo anno animæ iam dicti defuncti impen-derent, tam in Missis, quam in Psalmis. Ipse verò præter Missas, & eleemosynas, ac orationes peculiares, quas pro eo fecit, singulis diebus hostiam salutarem pro absolutione animæ eius immolauit. Quid si for-
tè in maxima necessitate, vel infirmitate, hoc per se-

D 3

ipsum

54 DE CONTRITIONE

ipsum facere non potuit, alter defectum illum suppleuit. Anno completo, in fine Missæ, post altare stans defunctus, apparuit Episcopo, pallidus, exilis, maciletus, in ueste pulla; vultu habituq; statum suū bene declarans, quem cùm interrogasset, quomodo haberet, vel vnde veniret, respondit: In pœnis sum, & de pœnis venio, sed gratias ago charitati tuæ, quia annus iste propter eleemosynas & orationes tuas, atque beneficia Ecclesiæ tuæ, mihi exhibita, abstulit mihi mille annorum pœnas, quas sustinere habebam in purgatorio: quòd si adhuc vno anno similem mihi impenderis opem, omnino liberabor. Audiens hoc Episcopus, latuus effectus, Deo gratias egit, missisq; literis ad ecclesias, siue monasteria, visionem omnibus exposuit, & ut adhuc vno anno iniunctas seruarerit orationes obtinuit. Episcopus verò annū sequentē præcedenti continuauit, tāto in exhibitione feruentior, quanto iam de liberatione securior. Expletō anno, cū Episcopus missam pro eo celebraret, iterum adfuit illic in cuculla nigra, & facie serenata, dicēns sibi omnia optata succedere, & ait Episcopo: Remuneret Deus omnipotens charitatē tuā sanctissime pater, quia propter tuā sollicitudinē eruptus de pœnis, iā ingredior gaudiū Domini mei; & ecce isti duo anni reputati sunt mihi pro duabus millib⁹ annorū: & nō vidit eū ampliū. APOLLON. Valde lātificant ista; sed duo mihi occurrunt admiratione digna, primum est virtus contritionis, per quā meritò dānandus, dignus effectus est vita cetera: Secundum est virtus orationum, per quam tam celetriter liberatus est à pœna purgatorii. CÆSARIUS: Licet magna virtus sit in utroque, amplior tamen inuenitur in contritione; orationes enim ecclesiæ, siue eleemosynæ, nō sunt de substātia metēti; valēt quidē defuncti minuere pœnam, sed nō possunt augere gloriā. APOLLONIUS: Miror etiam, q̄ homo apostata in habitu seculari mortuus & sepultus, in cuculla apparuit. CÆSARIUS: Contritio de apostate monachum fecit, & uestem secularem in cucullam conuertit. APOLLONIUS: Velle mihi hoc euidentiōri exemplo probari.

CÆSAR

CÆSARIUS: Exemplum ad manum est.

CAPUT III.

BEATVS Bernardus, sicut quidam sacerdos re-
tulit religiosus, monachum quendam habuit,
in quo hoc quod queris, per virtutem cōtritio-
nis Deus manifestias ostendit: multa adhuc à vetera-
nis, qui eundē viderunt, quorum adhuc quidā in do-
mo nostra supersunt, narrari solēt, quæ non sunt scri-
pto mandata. Monachus idem, de quo cœpit sermo,
fūidente inimicq; habitum depositus, & parēciā quan-
dam, eodē cooperāte, regēdā suscepit: erat quippe sa-
cerdos. Et quia sape peccatū peccato punitur, deser-
tor ordinis in virtū labitur libidinis; concubinā, sicut
multis cōsuetudinīs est, ad sibi cohabitādū accepit, de
qua & liberos genuit. Accidit ut post annos plurimos,
miserante Deo, qui neminem vult perire, sanctus Ab-
bas per villam, in qua monachus habitauit, transiret,
& ad domum illius hospitādi gratia diuerteret: quem
ille bene cognoscens, & quali proprium patrem cum
multa reuerētia excipiens, deuotē ministrauit, & tam
ipſi, quam sociis, ac iumentis, necessaria copiosē pro-
curauit, non tamen recognitus est ab Abbatē. Manē
cū vir sanctus, dictis matutinis, paratus esset ad eun-
dum, nec posset loqui sacerdoti, eo quod maturius
surgēs isſet ad ecclesiā, ait filio ipſius sacerdotis; Vade,
defer nunciū istud domino tuo; erat autē puer mutus
à nativitate. Qui præcepto obediēs, & etiā præcipien-
tis virtutem in se sentiens, ad patrē cucurrit, & sancti
patris verba, verbis valde absolutē expressis, dicens:
Hæc & hæc mandat tibi Abbas. Pater primam vocem
filii audiens, & præ gaudio lacrymās, vt secūdū & ter-
tiō eadē verba repeteret admonuit, & quid sibi Abbas
fecerit, diligēter inquisiuit. Cui ille; Nihil aliud mihi
fecit, sed solūmodo verbis dixit mihi: vade dic domino
tuo verba hēc. Ad tā euidēs miraculū sacerdos cōpun-
ctus, festināter ad sanctū virū venit, sequē cū lacrymis
ad pedes illi⁹ prostrauit; Domine pater, inquit mona-
chus, vester talis ac talis fui, & tali tēpore a monaste-
rio recessi, rogo igitur paternitatem vestram, vt liceat

D 4

mibi

Cōtritio
ex apostol
ta facit
mona-
chum.